

古典文獻研究輯刊

潘美月・杜潔祥 主編

第二四編 第十七冊

先唐雜傳地記輯校

——地記輯校乙編（第十二冊）

王琳 主編／張帆帆、王琳 輯校

花木蘭文化出版社 出版

古典文獻研究輯刊

二四編

潘美月・杜潔祥 主編

第 17 冊

先唐雜傳地記輯校
——地記輯校乙編
(第十二冊)

王琳主編 張帆帆、王琳輯校



國家圖書館出版品預行編目資料

先唐雜傳地記輯校——地記輯校乙編（第十二冊）／王琳主
編 張帆帆、王琳輯校——初版——新北市：花木蘭文化出版社，
2017〔民106〕

目 4+246 面；19×26 公分

（古典文獻研究輯刊 二四編；第 17 冊）

ISBN 978-986-485-007-5（精裝）

1. 藝文志 2. 唐代

011.08

106001915

ISBN-978-986-485-007-5



9 789864 850075

古典文獻研究輯刊

二四編 第十七冊

ISBN：978-986-485-007-5

先唐雜傳地記輯校——地記輯校乙編（第十二冊）

編校者 王琳主編 張帆帆、王琳輯校

主編 潘美月 杜潔祥

總編輯 杜潔祥

副總編輯 楊嘉樂

編輯 許郁翎、王筑 美術編輯 陳逸婷

企劃出版 北京大學文化資源研究中心

出版 花木蘭文化出版社

社長 高小娟

聯絡地址 235 新北市中和區中安街七二號十三樓

電話：02-2923-1455／傳真：02-2923-1452

網址 <http://www.huamulan.tw> 信箱 hml810518@gmail.com

印刷 普羅文化出版廣告事業

初版 2017 年 3 月

全書字數 403157 字

定價 二四編 32 冊（精裝）新台幣 62,000 元

版權所有・請勿翻印

先唐雜傳地記輯校

——地記輯校乙編

(第十二冊)

王琳主編 張帆帆、王琳輯校



目

次

第十二冊

《南嶽記》	隋釋灌頂	2591
《南嶽記》	佚名	2592
《衡山記》	佚名	2593
《名山略記》	徐道士	2595
《遊名山記》	釋法猛	2597
《石室記》	宋殷斌	2598
《當山記》	宋殷斌	2598
《名山記》	宋殷武（殷斌）	2598
《武當山記》	佚名	2599
《名山記》	佚名	2600
《荊州記》	任譽（盛譽）	2602
《荊州記》	佚名	2603
《荊山記》	佚名	2623
《荊州土地記》	佚名	2624
《荊州圖副記》	佚名	2625
《荊州圖副》	佚名	2626
《荊州圖記》	佚名	2631
《荊州圖》	佚名	2636

《荊南圖副》	佚名	2637
《荊州地理記》	佚名	2638
《南荊州記》	佚名	2638
《吳地記》	董覽	2639
《吳地記》	佚名	2641
《吳地志》	佚名	2643
《分吳會丹陽三郡記》	佚名	2644
《吳郡緣海四縣記》	佚名	2645
《淮南記》	佚名	2646
《淮陽記》	佚名	2647
《江乘地記》	是乘民	2648
《聘北道里記》	陳江德藻	2650
《南兗州記》	阮昇之	2651
《揚州記》	阮勝之	2655
《揚州記》	佚名	2655
《會稽地志》	夏侯曾先	2656
《會稽記》	佚名	2663
《會稽志》	佚名	2667
《會稽地理記》	佚名	2668
《會稽郡記》	佚名	2668
《會稽舊記》	佚名	2669
《會稽郡十城地志》	佚名	2669
《新安記》	佚名	2669
《武陵記》	佚名	2671
《武陽記》	佚名	2676
《登羅浮山疏（記）》	梁竺法真	2676
《羅浮山記》	佚名	2680
《京師塔寺記》		2684
《晉塔寺記》	梁劉瑯	2684
《京師塔寺記》	齊釋曇宗	2685
《塔寺記》	佚名	2685
《國山記》	陳陳暄	2687
《建康（地）記》	佚名	2688
《建康宮殿簿》	佚名	2691
《隴右（西）記》	佚名	2693

《十三州志》	北魏闕駟	2694
《十三州志》	佚名	2710
《行記》	北魏董琬	2728
《徐州記》	北魏劉芳	2728
《徐州記》	北魏楊曄（暉）	2729
《徐州記》	佚名	2730
《徐州地理志》	劉成國	2731
《征途記》	北魏孫景安	2731
《行記》	北魏菩提拔陀	2732
《三晉記》	北魏王遵業	2733
《趙記》	北齊李公緒	2733
《魏土地記》	佚名	2735
《後魏地形志》	佚名	2742
《魏王花木志》	佚名	2743
《後魏輿圖風土記》	東魏陸恭之	2746
《西京記》	北魏崔鴻	2748
《西京記》	北周薛寔	2749
《序行記》	陳姚最	2750
《嵩高山記》	東魏盧元明	2751
《大魏諸州記》	佚名	2757
《維陽記》	北魏陽銜之	2757
《洛陽記》	佚名	2758
《行記》	北魏宋雲	2761
《行傳》	北魏惠生	2768
《宗國都城記》	徐才	2770
《國都城記》	佚名	2771
《西征記》	隋盧思道	2774
《封君義行記》	北齊李繪	2774
《周地圖記》	佚名	2775
《趙記》	邢子勵	2790
《龍山記》	邢子勵	2790
《三郡記》	邢子勵（顥）	2790
《記》	邢子顥	2792
《義興記》	吳穆子	2792
《義興記》	佚名	2793

朝代不確定地記數種

《瀨鄉記》 崔玄山	2795
《地記》 佚名	2798
《西河舊事》 佚名	2801
《江表行記》 佚名	2806
《土地記》 佚名	2807
《建安記》 洪氏	2808
《建安記》 佚名	2808
《臨汝記》 桓氏	2813
《終南山記》 佚名	2813
《泰山記》 佚名	2814
《十二州記》 佚名	2816
《十二州志》 佚名	2817
《廣梁南徐州記》 虞孝恭	2817
《荊湘記》 佚名	2818
《晉地記》 佚名	2818
《陽城記》 佚名	2819
《西域道里記》 程士章	2820
《交州以南外國傳》 佚名	2820
《肅慎國記》 佚名	2820
附錄：漢魏六朝地記存目	2823
地記輯校引用參考書目	2827

《南嶽記》

隋釋灌頂

除徐靈期《南嶽記》、宗測《衡山記》外，宋·釋志磐《佛祖統紀》卷七載有釋灌頂《南嶽記》一卷。釋灌頂，唐·釋道宣《續高僧傳》卷十九有傳，其俗姓吳，法名灌頂（562-632），字法雲，常州義興人，祖世避地東甌，因而不返，即為臨海之章安。因其嘗居章安，後人亦多稱其名為「章安」。釋灌頂，當生於南朝陳天嘉時，卒於唐貞觀六年。跨陳、隋、唐三代。釋灌頂著述頗豐，除《南嶽記》外，尚有《大般涅槃經玄義》二卷、《大般涅槃經疏》二卷、《觀心論疏》二卷、《天台智者大師別傳》兩卷、《國清道場百錄》五卷、《天台八教大意》一卷、《菩薩戒經義疏》二卷、《阿彌陀經義記》一卷等。

釋道宣《續高僧傳》載釋灌頂「陳至德元年，從智顗禪主出居光宅，研繹觀門，頻蒙印可。逮陳氏失馭，隨師上江勝地名山，盡皆遊憩，三宮廬阜，九向衡峯，無不揖迹依迎，訪問遺逸，後屆荊部，停玉泉寺，傳法轉化，教敷西楚。」推斷其《南嶽記》應作於陳至德元年後。釋灌頂《南嶽記》，史志不載，唐·釋湛然《輔行記》引一條。茲將其附於下，以備考證。

天台

天台者，章安《山記》云本稱南嶽，周靈王太子晉居之，魂為其神，命左右公改為天台山也。若准孫公《山賦》云，所以不列於五嶽，闕載於常典者，以其所立幽奧，其路曠迴，故未知章安所出。」（《輔行記》卷一之一。）

按，此條，《輔行記》言出章安《山記》，章安，當即釋灌頂。《山記》，應即《南嶽記》之別稱。按，學界有「霍山赤城」即天台赤城山為「南嶽」的爭論，釋灌頂《南嶽記》，亦或涉及此爭論。《輔行記》作者所引此條，開頭冠以「天台山」句，或《輔行記》作者以為此條所記為《天台山記》，引用時又簡稱作《山記》，從而致誤。

《南嶽記》 佚名

除徐靈期《南嶽記》、釋灌頂《南嶽記》外，唐宋諸書所引又有不標明作者的《南嶽記》數條，因無法判斷其作者歸屬，茲將此數條作者不可考的《南嶽記》單列，另作一種。

仙人壇

仙人壇青石而有白石文，可容人坐，東望湘水如白帶，水聲如琴，鳥鳴如歌。（《編珠》卷一。）

白馬山

衡山縣白馬山，山上有泉，名雞頭水。（《編珠》卷一。）

舜溪

舜澗東出舜廟，廟下有舜溪。（《編珠》卷一。）

丹崖

丹崖即仙人宮也。（《杜工部草堂詩箋》卷三十七。）

仙宮

流丹崖南五里，得仙人宮。道士休糧絕穀，身輕清虛，便得入此宮。（《初學記》卷八。）

流丹崖南五里，得仙人宮，道士非絕穀養氣，不得入此宮。（《太平寰宇記》卷一百一十四。）

太虛寶洞

衡山者，太虛之寶洞。（《初學記》卷八。）

衡山者，朱陵之靈臺，太虛之寶洞。上承翼、軫，鈐總萬物，故名衡山；下踞離宮，統攝火師，故號南嶽。赤帝館其嶺，祝融宅其陽。逮於軒轅，以潛、霍二山副焉。（《方輿勝覽》卷二十三。）

仙人石室

衡山有仙人石室，中有白玉牀榻。（《北堂書鈔》卷一百三十三。）

石床石幾

衡山有〔一〕石室，內〔二〕有石床石几。（《太平御覽》卷七百一十。又見《事類賦注》卷十四。）

〔校記〕

〔一〕有，《事類賦注》無。

〔二〕內，《事類賦注》無。

衡山三峰

衡山有三峰，其一名紫蓋，天景明徹，有一雙白鶴徊翔其上，一峰名石困，下有石室，中常聞諷誦聲，一峰名芙蓉，上有泉水飛流，如舒一幅練。（《北堂書鈔》卷一百六十。）

《衡山記》 佚名

除徐靈期《衡山記》外，南朝宗測亦有《衡山記》一種。宗測，詳見佚名《廬山記》題解。唐宋時期各類書所引佚名《衡山記》，多無法判斷各條目作者歸屬，茲將其單列，另作一種。

靈壽崗

衡山有靈壽崗，山上多芝草、靈壽木。（《北堂書鈔》卷一百五十七。）

空青崗

空青崗有天津玉池。（《文選·詩庚·雜擬下·嵇中散》李善注。）

灞、霍二山

衡山，南嶽也。至黃帝乃以灞、霍二山爲副。（《白氏六帖事類集》卷二、《事文類聚》前集卷十三、《事類備要》前集卷五、《群書通要》甲集卷八。）

曾青崗

衡山有曾青崗，出〔一〕曾青，可以〔二〕合仙藥。（《北堂書鈔》卷一百五十七。又見《太平御覽》卷九百八十八。）

〔校記〕

〔一〕出，《太平御覽》無。

〔二〕以，《太平御覽》無。

衡山有曾青岡，出曾青，可合仙藥。有靈壽岡，有〔一〕靈壽木，周迴數十里，芝草岡，有神芝靈草〔二〕。（《太平御覽》卷五十三。又見《藝文類聚》卷六。）

〔校記〕

〔一〕有，《藝文類聚》無。

〔二〕「周迴數十里」數句，《藝文類聚》無。

衡山峰

（衡山）其可稱者有芙蓉峰，有紫蓋峰，有石菌峰。（《九家集注杜詩》卷十六。）

黃玉床

仙人室中有黃玉床。（《太平御覽》卷七百零六。）

銅銚

有人採藥，暮宿石室中，見一銅銚，是煮藥處。蠻人聞之，取銚還用，舉村盡病，送返乃已。（《太平御覽》卷七百五十七。）

鐵杵

桂英巖上，鑿石作臼。有鐵杵，倚置〔一〕巖畔。石臼邊有兩人腳跡〔二〕。（《太平御覽》卷七百六十二。又見《南湖集》卷五。）

〔校記〕

〔一〕置，《南湖集》無。

〔二〕此句，《南湖集》無。

石室

雞頭陂西有石室，有人採藥，暮宿其中。曉見一鋸懸在壁上。示有形，無復鐵貫。（《太平御覽》卷七百六十三。）

白艾

測以五月五日，未鷄鳴時，採艾若見，似人形，時攬而採之，灸疾極驗也。（《東坡先生物類相感志》卷十二。）

天柱峰

天柱峰高四千一百尺，夏禹理水，刻石峰上。紫蓋峰多隱雲表，常有白鶴仙童飛翔其側。（《施注蘇詩》卷二十四。）

流丹

玄草崗東南有流丹，服之不死。（《北堂書鈔》卷一百五十七。）

淩倚

淩倚隱衡山，往來自負書劍，削竹爲擔，裹以烏氈，倚既死，山僧取以供事。（《雲仙雜記》卷四。）

《名山略記》 徐道士

《名山略記》，卷亡，史志不著錄，作者不詳，唯編珠引《名山略記》一條言爲「徐道士」作，觀諸書所引條目，多寫道家靈異之事。但其作者本名無考。是書北宋時諸書多徵引，南宋諸書所引無出北宋書之外，或其亡於兩宋之際。

九疑山

九疑山〔一〕，漢末有〔二〕張禮正，魏時有治明期，南遊九疑，禮正服黃精，明期服澤瀉、栢實，後俱遇〔三〕西城君，受虹景方，兼以守一，遂內洞徹〔四〕，東華遣〔五〕迎，乘雲上升天〔六〕。（《白氏六帖事類集》卷二。又見《藝文類聚》卷七、《輿地紀勝》卷五十八。）

〔校記〕

〔一〕此句，《輿地紀勝》無。

〔二〕有，《輿地紀勝》無。下「魏時有治明期」之「有」字，其亦無。

〔三〕俱遇，《藝文類聚》作「俱適」。

〔四〕徹，《藝文類聚》作「澈」。

〔五〕遣，《藝文類聚》無。

〔六〕此句，《藝文類聚》作「而乘雲升天」，《輿地紀勝》作「乘雲上昇」。

天台山

天台山在剡縣〔一〕，即是眾聖所降，葛仙公山也。（《藝文類聚》卷七。又見《白氏六帖事類集》卷二。）

〔校記〕

〔一〕縣，《白氏六帖事類集》無。

天台山，即〔一〕是定光寺諸佛所降葛仙公〔二〕山也。（《文選·賦己·遊覽·遊天台山賦》李善注。又見《杜工部草堂詩箋》卷十四。）

〔校記〕

〔一〕即，《杜工部草堂詩箋》無。

〔二〕葛仙公，《杜工部草堂詩箋》作「葛仙翁」。

天台山，葛仙公山也。（《通鑑地理通釋》卷五。）

龍尾溪

羅浮有龍尾溪。（《編珠》卷一。）

伏苓

鬱州山出伏苓。（《太平御覽》卷九百八十九。）

天門冬

鬱州出天門冬。（《藝文類聚》卷八十一。）

燒山

赤城山一名燒山，東卿司命君所居。洞周迴三百里，上有玉清平天。（《初學記》卷八、《錦繡萬花谷》後集卷六。）

長楓

天姥山有長楓千餘丈，今無之。（《嘉定赤城志》卷三十六。）

長山

有長山，在東北，縣因之爲名。（《太平寰宇記》卷九十七。）

阿育王塔

羅浮山有阿育王塔三十二所，雜道書〔一〕。（《太平御覽》卷四十一。又見《輿地紀勝》卷九十九。）

〔校記〕

〔一〕此句，《輿地紀勝》無。

小白山

小白山，在會稽，陽城趙廣信以魏末入小白山，受李氏服氣法。又師左元放，受守中之道，後煉九華丹，丹成服之，太一遣迎。今在東華宮爲真人。

（《太平御覽》卷四十七。）

霍山

僧權道人居晉安霍山，晨出澗，忽見白水異常，飲之甘如醴，水過甚迅，器取得少許以餉。晉陶安不復中飲，權壽百三十歲〔一〕，〔二〕不知其終。（《太平御覽》卷五十九。又見《事類賦注》卷七。）

〔校記〕

〔一〕此句，《事類賦注》作「權年百三十餘歲」。

〔二〕《事類賦注》此處有「後」字。

徐誕

鬱州道祭酒徐誕常以治席爲事，有吳人姓夏侯來師誕，忽暴病死。終冬涉春，有長沙門從北來，於道中見夏侯，雲被崑崙，召不得辭師，寄手巾爲信。誕得手巾，乃本所送入棺者。（《太平御覽》卷七百一十六。）

《遊名山記》 釋法猛

釋法猛《遊名山記》，卷亡，史志不著錄，釋法猛，始末不詳，僅《北堂書鈔》引其《遊名山志》一條。

白丕山

白丕山頂有穴，窺瞰見色爛然，行人畏憚，無敢入者。（《北堂書鈔》卷一百五十八。）

《石室記》

宋殷斌

殷斌《石室記》，卷亡，史志不著錄。殷斌，劉宋時人，元嘉三年，爲郎中，出使梁州、南秦州。

雪壁

第三室高十丈，餘者粗相似，皆素壁若雪，則萬象森羅。（《初學記》卷八、《錦繡萬花谷》後集卷六。）

石室

安域（城）新喻縣有石室，又有井，仰構冥洞深，幽穴傍會，莫有能究其極者。（《北堂書鈔》卷一百五十八。）

《當山記》

宋殷斌

殷斌《當山記》，史志亦不載，今所見有《太平御覽》所引一條。

鐵鑊

魏興反照山上有三公鐵鑊，常有數十斛，雖大旱而不減。長老云，有天子女欲來此山，愁思而死。三公衛送之，故於此烹之。（《太平御覽》卷七百五十七。）

《名山記》

宋殷武（殷斌）

殷武《名山記》，卷亡，史志不著錄。殷武，疑即殷斌。《太平寰宇記》引其《名山記》一條。上文所言殷斌《當山記》，或爲殷斌《名山記》。

天柱山

上津天柱山，絕巖壁立，秀出眾嶺，有穴名遊仙洞，洞口有竹數莖，寒風凜然，人不敢入。（《太平寰宇記》卷一百四十一。）

《武當山記》 佚名

除殷斌《當山記》外，諸書所引又有不著作者《武當山記》數條。因無法判斷其作者歸屬，茲單列，另作一種。

武當山

山有石室。室中有銅杖〔一〕，長七尺八寸〔二〕。（《北堂書鈔》卷一百三十三。又見《太平御覽》卷七百一十、《太平御覽》卷八百一十三。）

〔校記〕

〔一〕此句，《太平御覽》卷七百一十作「有板床銅杖」，《太平御覽》卷八百一十三作「中有銅杖」。

〔二〕八寸，《太平御覽》卷七百一十作「三分」，《太平御覽》卷八百一十三無。

朝山

區域周迴四五百里，中央有一峰，名曰參嶺，高二十餘里，望之秀絕，出於雲表，清朗之日，然後見峰。一月之中，不過四五。清霄蓋其上，白雲帶其前，旦必西行，夕而東返，則惟其常謂之朝山，蓋以眾山朝揖之主也。（《太平寰宇記》卷一百四十三。）

山周迴四五百里，中央有一峰，名曰參嶺，高二十餘里。望之秀絕，出於青雲之表，謂之朝山，蓋眾山朝揖之主也。（《輿地紀勝》卷八十五。）

周迴四五百里，中有一峰，名曰參嶺。清明之日，然後見峰，山有三十六巖。（《方輿勝覽》卷三十三。）

山周迴五百里。（《通鑒綱目》卷十八。）

長利城

魏興錫縣有長利城。父老伯相傳云：是長安土所築邑，塞於餘城。（《太平御覽》卷一百九十二。）